

EUROPAR BATASUNEAN, KIROL FEDERAZIOEK ANTOLATUTAKO LEHIAKETA AMATEURRETAN HERRITAR NAZIONALEK PARTE HARTZEARI BURUZKO TXOSTEN JURIDIKOAREN AZTERKETA

KIROL ARLOKO MUGAZ GAINDIKO ARAZOAK



2020ko Azaroa

ARAZOA

FEDERAZIOEN KIROL AMATEUR EDO AFIZIONATUAREN ARAUDI ASKOK DITUZTEN KLAUSULEK ETA BALDINTZEK, EDO MUGAK JARTZEN DITUZTE, OZTOPO ADMINISTRATIBO ETA BUROKRATIKO HANDIAK EZARRITA, EDO ZUZENEAN ERAGOTZI EGITEN DUTE BESTE ESTATU KIDE BATZUETAKO NAZIONALEK KIROL AFIZIONATUKO TXAPELKETA NAZIONALETAN PARTE HARTZEA.



Europako Parlamenduak aitortzen du, “*Kontuan izanik kirolak Batasunaren helburu estrategikoak lortzen laguntzen duela, oinarrizko balio pedagogikoak eta kulturalak nabarmentzen dituela eta integrazio bektorea dela, herritar guztiei zuzentzen zaien neurrian, **edozein dela ere haien sexua, jatorri etnikoa, erlijioa, adina, nazionalitatea, gizarte egoera edo sexu orientazioa**”.*

AURREKARIAK

Bidasoa-Txingudi Mugaz gaindiko Partzuergoak, kirol batzordearen bitartez eta Gipuzkoako Foru Aldundiaren laguntzarekin, zerbitzu juridikoa eskaintzen die mugaz gaindiko arazoak dituzten kirol klubei.

Horri buruzko hainbat txosten egin dira, besteak beste, Hondarribia Saskibaloia elkarteari (hendaiar jokalariei batekin) edo Les Eglantins taldeari aholkuak emanez, Irungo Stadium Gal futbol zelaian Frantziako kopako kanporaketa bat jokatu ahal izateko.

Horri buruzko azken txostena Real Union Klubak eskatu du, hendaiako herritaei federazio-fitxak izapidetzan sortutako arazoak direla eta



KONTUAN HARTU BEHARREKOAK

ARAUEN HIERARKIAREN PRINTZIPIOA

Erkidegoko sistema juridikoak, baita Espainiakoak ere, beren egiten dute Arauen Hierarkiaren Printzipioa, zeinak Nazioarteko Itunei lehentasuna ematen baitie lege nazionalen eta araudien gainean



HORI DELA ETA

Federazio araudien izaera juridikoa.

Federazio araudiak, araudiak diren aldetik, nazioarteko itunen, Europar Batasunaren ondarea osatzen duten itunen eta arauen eta lege eta printzipio orokorren mende daude

Bai federazio araudiek bai federazio lizentziek, biak ere Kirol Federazioetatik datozenak, ordenamendu juridikoa, arauen hierarkiaren printzipioa eta, bereziki, Europar Batasuneko aginduak bete behar dituzte.

ARAU JURIDIKOAK

Kontuan harturik Europar Batasuneko itun horien xedapenak, Espainiako ordenamendu juridikoak bere gain hartutako barne zuzenbidea diren aldetik, zuzenean aplikatu daitezkeela, eta partikularrek zuzenean eska ditzaketela eta nahitaez bete beharrekoak direla, bereziki interesgarriak dira goragoko mailako arau horien artikuluko batzuk :

- 1.- Europako Erkidegoa eratzeko Ituna.
- 2.- Europar Batasunaren funtzionamendu Ituna .
- 3.- Europar Batasuneko Oinarrizko Eskubideen Gutuna.
- 4.- Europar Batasuneko antolamendu juridikoaren xedapenak kirolari aplikatzea.



“Europar Batasuneko zuzenbidearen beste printzipio garrantzitsu batzuen irismenaren barruan ere badago kirola, hala nola nazionalitatean oinarritutako diskriminazioa debekatzea, Batasuneko herritartasuna eta gizonen eta emakumeen arteko berdintasuna enplegu gaietan”, eta “kirolaren berezitasunak aitortua izaten jarraituko du, baina ez da interpretatu behar erkidegoko zuzenbidea aplikatzearen salbuespen orokorra justifikatzeko moduan”.

EUROPAKO ERKIDEGOAREN JUSTIZIA-HIRUKETAKO HAINBAT EBAZPEN



Bosman gaia (C-340/90 gaia).

deliège gaiak (C-51/96 y C-191/97 pilatutako gaiak).

Lehtonen y Boukhalfa gaiak.

Europar Batasuneko justizia-auzitegiko hirugarren aretoaren epaia,
2019ko ekainaren 13koa.(C-22/18 gaia).

EBAZPENAK Argudio hori oinarri hartuta, honako hau ondorioztatzen da
“Horrenbestez, kirol federazio nazional baten arauak, hala nola auzi nagusian eztabaidatutakoak, Batasuneko herritarrak kirol lehiaketetan parte hartzea arautzen dutenak, Itunaren araei lotuta daude, eta, bereziki, EBFIn 18. eta 21. artikuluei.”

MUGAKO ETA MUGAZ GAINDIKO ERREALITATEA.

Federazio Araudiak oztopo dira kirolaren bidez Europa integratzeko prozesurako, eta Europar Batasuneko zuzenbidea gainditu nahi izan du oztopo horrek. Horrenbestez, Erkidegoko Zuzenbidea eta sistema edo antolamendu juridiko ororen Kongruentzia Printzipioa urratzeaz gain, Europar Batasuneko instantziek eta estatu kideek bultzatutako erkidegoaren kohesioa eta integrazio prozesua desitxuratzen dituen elementua da, eta horren egiazko testak dira mugaz gaindiko eremuak.



Nola eragiten dion Bidasoa-Txingudi eskualdeko mugaz gaindiko errealitate sozial eta instituzionalari.

Hainbat kirol modalitatetako talde irundar eta hondarribiarretako kide diren kirolari asko Hendaian bizi dira, baina alderantziz ere gertatzen da, klub horietan parte hartzen duten batzuk hendaiarrak dira.

MUGAZ GAINDIKO LANKIDETZA ESPERIENTZIAK KIROL AMATEURREN ARLOAN



Bidasoa - Txingudi

Bidasoa-Txingudi Mugaz Gaindiko Partzuergoa mugaz gaindiko lankidetzaren esperientzia instituzionaletako bat da amateurren kirolaren arloan

Beraz, komunitate-eremuko oztopoak gainditu izanaren erakusgarri eta ereduzko fenomeno da, modu naturalean eta herritarren berezko premiek bultzatuta egin dena; Europar Batasuneko erakundeek eta Europar Batasuneko itunek bultzatutako fenomeno da, eta Europako integrazioa deritzonaren abangoardian dago.

Gipuzkoa, Nafarroa, Aragoi eta Pirinio Atlantikoen arteko Mugaz Gaindiko Lankidetzaren Hitzarmena, Zaragozan, 2017ko urtarrilaren 31n sinatua, *“kirolaren bidez gizartea eraldatzeko konpromisoa da, mugak hautsiz, estereotipoak gaindituz, eta jarduera fisikoa eta kirola sustatuz guztion ongizaterako”*.





ONDORIOAK

Lehenengoa.- Kirol eremua, eta horren barruan, federazioetatik etorritako federazio araudiak eta federazio lizentziak, federazio lehiaketetan parte hartu ahal izateko titulu juridiko administratibo gisa ematen direnak, erregelamendu izaerako arauak, edo administrazio egintzak dira, ordenamendu juridikoaren mende eta Espainiako Konstituzioaren 9. artikuluan jasotako arau hierarkiaren mende daudenak.

Federazio Araudiek erregelamendu izaera izateak eta Federazio Lizentziek Administrazio Egintza izaera izateak berekin dakar nazioarteko legeen eta itunen, Europar Batasuneko Itunen (EBI, EBFI, Europar Batasuneko Oinarrizko Eskubideen Gutuna) eta Europar Batasuneko Zuzenbidearen mende egotea, kirolaren esparruan eragina duten alderdiak arautzen edo ukitzen dituzten edukietan. Ez dago, beraz, "*kirol salbuespenik*" edo "*kirol autismorik*" ezartzeko edo onartzeko aukerarik.



ONDORIOAK

Bigarrena.- Europar Batasuneko Itunak eta Erkidegoko Kidego Juridiko osoa, bai eta Europar Batasuneko erakundeetatik etorritako nahitaez bete beharreko xedapenak eta ebazpenak ere, bereziki Europar Batasuneko Justizia Auzitegiak emandako ebazpen judizialak, zuzenean aplika daitezke eta nahitaez bete behar dira kirol arloan, eta Europar Batasuneko herritarrek erreklamatu ditzakete, bai dagozkien kirol federazioen aurrean, bai eskumena duten epaitegien eta auzitegien aurrean.



ONDORIOAK

Hirugarrena.- Europar Batasuneko herritarrek kirol lehiaketetan parte hartzea arautzen duten kirol federazio nazional baten arauak, federazio araudiak izan nahiz federazio lizentziak izan, Europar Batasunaren Itunen arauak bete behar dituzte, eta, bereziki, EBFiren 18., 21. eta 49. artikulua, itun beraren 165. artikuluan xedatutakoari dagokionez; izan ere, kirol afizionatua eta, zehazki, kirolari afizionatuak Batasunaren itunean ezarritako eskubideen titular dira, bereziki, nazionalitatea dela-eta diskriminaziorik ez egiteko printzipioa eta zirkulazio libreko eskubidea Batasuneko herritar guztientzat.



ONDORIOAK

Laugarrena.- Batasuneko Estatuetan eskaintzen diren jolas jardueretan parte hartzea zirkulazio askatasunaren ondorioa da Batasuneko herritarrentzako, eta, nahiz eta onartu kirol federazioek autonomia dutela beren federazio arauak eta erregelamenduak onartzeko antolatzen dituzten lehiaketak arautu ditzaten, arau eta erregelamendu horiek, eta horien aplikazioa, lizentzien, baimenen eta gainerako egintza eratorrien bidez, Batasunaren Itunetako Printzipio, Eskubide eta Zehaztapenen mende daude.



ONDORIOAK

Bosgarrena.- Mugaldeko eremuen kasuan, egiazko truke esperientzietan islatutako errealitate sozialak, harreman naturalizatua eta kohesio soziala afizionatuen kirolaren esparruan, Batasunaren Itunek Batasuneko Herritartasunerako ezarritako printzipioen eta eskubideen isla dira, inolaz ere.

Federazio Araudiak kirolaren bidez Europa integratzeko prozesurako oztopo izateak, Europar Batasuneko zuzenbidea gainditu nahi izan duen oztopo horrek, Erkidegoko Zuzenbidea eta sistema edo antolamendu juridiko ororen Kongruentzia Printzipioa urratzea dakar.



ONDORIOAK

Seigarrena.- Kirol federazioek eta erakunde eskudunek kontzientzia hartu behar dute erkidego esparruaz, Europaren integrazio prozesuaz, Europako Herritartasunaren eraketaz eta onarpenaz eta Batasuneko herritarrei dagozkien eskubideez, eta, horretan oinarrituta, behar diren aldaketak egin behar dituzte federazio araudietan, kirol kidego juridiko egokia eraikitzeko, Europar Batasuneko herritarrei onartutako ordenamendu juridikoarekin eta eskubideekin eta askatasunekin bat datorrena eta horiek guztiak errespetatzen dituena.

16/2006 DEKRETUA, urtarrilaren 31koa, Euskadiko Kirol Federazioena..

7. artikulua.– Araubide juridikoa betetzea.

1.– Kirol federazioek euren jarduera beti araubide juridikoa, euren estatutuak eta euren arautegiak betez eraman beharko dute aurrera.

2.– Administrazio publikoak bertan behera utzi edo baliogabetu ahal izango ditu kirol federazioek, administrazio funtzio publikoak betetzean, hartutako erabakiak eta adostutako egintzak, baldin araubide juridikoaren kontrakoak edo haien estatutuen eta arautegien kontrakoak badira. Horretan, administrazio publikoak legetan eta arautegietan horretarako xedatuta dauden kasuak eta prozedurak aintzat hartuko dituzte. Aurrekoa gorabehera, agintari judizial aginpidedunek ere federazioen erabakiak eta egintzak bertan behera utzi eta baliogabetu ahal izango dituzte.

TXOSTENA ZABALTZEA ETA LAGUNTZAK BILATZEA



**BIDASOA-TXINGUDI MUGAZ GAINDIKO PARTZUERGOA
ZUZENDARITZA BATZORDEA
KIROL LAN TALDEA**

**KIROL-ESKUMENAK DITUZTEN
ERAKUNDEAK**

GIPUZKOAKO FORU ALDUNDIA

DIRECTION DEPARTAMENTAL DE
JEUNESSE DU SPORT

EREMU PROFESIONALA

DONOSTIAKO ETA BAIONAKO
ABOKATUEN ELKARGO PRESTUA.

CITYCOOP PROIEKTUAREN
BAZKIDEAK

**MUGAZ GAINDIKO – ESKUMENAK
DITUZTEN ERAKUNDEAK**
NAEN - EUROESKUALDEA AKITANIA
BERRIA EUSKADI NAFARROA



TXOSTENA ZABALTZEA ETA KONPONBIDEAK BILATZEA



Bidasoa - Txingudi



BIDASOA-TXINGUDI MUGAZ GAINDIKO PARTZUERGOA

GIPUZKOAKO FORU ALDUNDIA

DIRECTION DÉPARTEMENTAL DE JEUNESSE DU SPORT

Zuzenduta:
ESKUALDEKO KIROL KLUBAK

Arauen egokitzapenean eragitea:
KIROL FEDERAKUNTZAK

